

Quaestio medico-chirurgica ... an in vulneribus profunde contusis incisiones cultro chirurgico profunde institutae necessariam praeparent aut promoveant suppurationem? / [M. Geoffroy (Etienne-Louis)].

Contributors

Geoffroy, M. 1725?-1810.

Lassone, Joseph-Marie-François de, 1717-1788.
Université de Paris.

Publication/Creation

[Parisiis] : [Quillau], [1748]

Persistent URL

<https://wellcomecollection.org/works/jxfwqfbq>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

**wellcome
collection**

Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA

QUOD LIBETARIIS DISPUTATIONIBUS
*manè discutienda in Scholis Medicorum, die Jovis vigesima-octavâ
mensis Martii, Anno Domini M. DCC. XLVIII.*

M. JOSEPHO-MARIA-FRANCISCO DE LA SONE,
Censore Regio, Regiæ Scientiarum Academiae Socio &
Chirurgiæ Gallico Idiomate Professore, Doctore Medico,
Præside.

*An in vulneribus profundè contusis incisiones cultro Chirurgico profundè in-
stituta necessariam præparent aut promoveant suppurationem?*

I.

IN vulnere simplici vascula secantur. Tunc
fibræ viventes certò semper gradu tensæ, vi
elateris à se invicem recedunt, coarctantur,
fiunt breviores, corrugantur: vi vitæ tonicâ
adhuc dum vigent, adhuc dum oscillant: reparari valent
& rursus coalescere.

A

Hiantia illorum oscula paululum stringuntur : juxta vulneris parietes sanguini fit obex. Quid tum ? Stillat lymphæ nutritia. Sororiantur carneæ papulæ. Vulneris parietes coeunt. Glutine cicatrix sigillatur. Opus natura totum peragit.

Ergò nulla vulnerum sincera curatio , nisi vulnus quodcumque compositum , arte famulante , ad majorem , quàm fieri potest , simplicitatem accesserit , naturaque sibi ipsi reddita curationis laborem inchoet efficacem.

I I.

JAM verò inter vulnera composita unum sanè maximi momenti vulnus profundè contusum.

Hic non secando , sed lacerando , obterendo dividuntur , discerpuntur fibræ , vasa. Circumquaque fit vulnusculeorum accumulatio. Elater infringitur. Tonica vitæ vis eliditur. Actio moritur organica. Frigus lethiferum incumbit.

Ab hiantibus ruptorum vasorum fissuris liquores diffluunt. Spongiarum more imbuuntur partes : distenduntur : velut obruuntur. Sanguis stagnat : coagulatur.

Deindè vasa contusioni proxima , paululum collisa , à fluidis perpetuò appellentibus turgent : penè suffocantur.

Tum natura vires recolligit. Arteriæ viventes promptiùs , altiùs oscillant , insurgunt. Nascitur inflammatio vividior. Calor oritur intensior , putrefaciens. Gangræna imminet.

I I I.

RURSUS si contusio partem aponevroticam , nerveam colliserit ; ibi sensus acutior : celerior irritatio. Vi vitæ summè irritabili fibrarum textus circum-

quaquè coarctatur , contrahitur : fit tensior : spasmus
rigit : acerbè distrahitur : convellitur : maximè dolet.

Strangulantur vascula. Stat sanguis ingurgitatus. Fortiùs arietant arteriolæ. Serpit , acuitur inflammatio. Vividior urit calor. Stagnans fluidum putrefit.

Fervidior ardet febris. Convulsis nervis mirè corpus succutitur inquietum. Mox expirantes naturæ vires indicat delirium.

I V.

PORRO quid hìc agendum? Nec mora: sanguinem per venæ sectionem abundè , frequenter elimina. Partes attritas , tumentes , oppressas subleva. Profundis incisionibus exonera , evacua , reseca , aufer.

Quid tum? Stagnans liquor , coagulatus , putredini addictus foras amandatur. Subjacentium tonus fibrarum aptè reviviscit , sibi redditur. Laudabilis suboritur inflammatio : benignam parit suppurationem. Contusæ disjunguntur escharræ , decidunt : in pus liquantur. Vulnus expurgatur. Fit simplex.

Rursus nerveas partes , aponevroticas strictiores , spasmus tensas , rigentes , strangulatas iisdem incisionibus relaxa , dilata , emolli.

Quid indè? Tensior fibrarum textus remittitur. Vasa irritatione quasi suffocata , revincta solvuntur , oscillant. Fluidum spasmodicis obicibus non præpeditum faciliùs circumagit circuitum. Fit salutaris inflammatio : pus.

V.

QUID quod? auxilia minùs cruenta incisionum vices gererent? Quid quod? Carneis partibus attritis , elatere vitæque orbatis roborantia topica tóni-

cam vitæ vim sola restituerent, adderent? Quid quod? sanguis extra vasa stagnans, spissescens per sola resolutiva resorberetur? Salutiferâ suppuratione diffluet?

Quid quod? Et strangulatus partium nervearum, aponevroticarum textus: vasa spasmo ligata, coercita, per emollientia sola laxarentur?

Repugnat morbi natura: reclamatione observatio, experimentum. Ergo cultrum arripe salutiferum.

Ergò in vulneribus profundè contusis incisiones cultro Chirurgico profundè institutæ necessariam præparant aut promovent suppurationem.

DOMINI DOCTORES DISPUTATURI.

- | | | |
|--|---|--|
| <i>M. Carolus-Ludovicus Liger.</i> | <i>M. Franciscus-David Herissant, è Regiâ Scientiarum Academiâ Parisiensi, necnon Regiæ Scientiarum ac Humaniorum Litterarum Academiæ Andegavensis Socius & Chirurgiæ Professor Vicarius.</i> | <i>M. Joannes-Baptista Boyer, Regis Consiliarius Medicus in Senatu ac in Præfecturâ Parisiensi, Serenissimæ Cœnomanensium Ducissæ Medicus ordinarius, & Censor Regius.</i> |
| <i>M. Joannes-Stephanus Guettard, Regiæ Scientiarum Academiæ, & Censor Regius, & Serenissimi Aurelianensium Ducis Botanicus.</i> | <i>M. Antonius Bergier.</i> | <i>M. Bernardus de Jussieu, Regiæ Scientiarum Academiæ, Regiæque Societatis Londinensis, Socius & in Horto Regio Botanicæ Prodemonstrator.</i> |
| <i>M. Natalis-Maria de Gevignand.</i> | <i>M. Jacobus-Franciscus le Chat de la Sourdière.</i> | <i>M. Joannes Astruc, Salubris Consilii Regii Socius, Regis Poloniarum Augusti secundi, Electoris Saxonie, dum viveret, Medicus primarius, & Professor Regius.</i> |

Proponebat Parisiis **STEPHANUS-LUDOVICUS GEOFFROY**, Parisinus, Saluberrimæ Facultatis Medicinæ Parisiensis Baccalaureus, A. R. S. H. 1748, à sextâ ad meridiem.

Typis **QUILLAU**, Universitatis & Facultatis Medicinæ Typographi, 1748.